

## REGULATIV DA PARCAR PER LA VISCHNAUNCA DA RUEUN

### Art. 1

Quest regulativ regla il parcar sin terren public. Cheutras vul la vischnaunca gidar a procurar per in diember sufficient da parcadis sco era per in bien uorden da parcar.

### Art. 2

La suprastanza communal oblighescha possessurs da vehichels, che disponan buc d'in plaz da parcar sin agen terren (tenor art. 50 dalla lescha da baghegiar communal), da parcar lur vehichels sin in parcadi public, che vegn eregius dalla vischnaunca. La vischnaunca pretenda persuentar ina taxa pauschala da diever per onn.

### Art. 3

Il parcar permanent sin terren public senza lubientscha dalla suprastanza communal ei buca lubiu. Scadin che basegna in parcadi sin terren da vischnaunca ei obligaus d'annunziar quei mintgamai entochen ils 15 da november digl onn current alla suprastanza communal.

Basegn' in affitader buca pli il parcadi, eis el obligaus da comunicar quei alla suprastanza communal. Medemamein ston era midadas d'affitader vegnir comunicadas alla suprastanza communal.

La vischnaunca resalva il dretg da retrer in parcadi mess a disposiziun sin terren public cun observar in temps da visada en scret da 3 meins.

### Art. 4

La vischnaunca emprova da procurar per mintga interessent per in plaz da parcar en la proxima vischinonza da siu da casa. Ei quei buca pusseivel, metta la vischnaunca a disposiziun parcadis publics a "Nunglout/Saleps".

### Art. 5

Scadin affitader d'in plaz da parcar da vischnaunca ei obligaus da procurar ch'ei regi bien uorden sil parcadi ed en special da dismetter la neiv. Igl affitader dil plaz duei signar tal cun la numera da siu auto.

Art. 6

La taxa d'affitaziun per in parcadi sin terren communal vegn fixada sin frs. 100.-- per onn.

La lubientscha dat buca in dretg ad in cert parcadi. Ella lubescha sulet-tamein da parcar il vehichel a norma dalla legislaziun valeivla sin terren public.

Art. 7

La vischnaunca surpren negina responsabladad per donns ed enguladetschs sin parcadis publics.

La suprastanza communal exequescha quest regulativ e procura per las controllas necessarias.

Ella punescha surpassaments da quest regulativ cun frs. 20.-- entochen frs. 200.--.

Art. 8

Per fatgs buca reglai en quest regulativ valan primarmein las prescripziuns dalla lescha da baghegiar communal (art. 50).

Quest regulativ scassa tuttas cuvegnientschas existentas denter la vischnaunca e personas privatas pertuccond il parcar vehichels.

Art. 9

Quest regulativ entra en vigor cun l'approbaziun entras la radunonza communal.

Approbau entras la radunonza communal dils 13 d'october 1990.

Il president communal



Igl actuar

